

SUID-AFRIKAANSE RADIOLIGA NUUS VIR SONDAG 6 DESEMBER 2020

Goeie môre en welkom by die weeklikse nuus uitsending van die Suid-Afrikaanse Radioliga, gelees deur _____ (jou naam, roepsein en QTH)

Die Suid-Afrikaanse Radioliga saai elke Sondag nuus bulletins in Afrikaans sowel as Engels om 08:15 en 08:30 Sentraal Afrika Tyd onderskeidelik uit op HF sowel as op verskeie BHF- en UHF-herhalers. Hierdie uitsendings word ook via Echolink herlei deur Johan, ZS6JPL. Die oudio en teks Bulletins kan afgelaai word vanaf die Liga webwerf by www.sarl.org.za. Om by die bulletin e-poslys aan te sluit, stuur 'n e-pos na die SARL Sekretaris.

In die nuus vandag:

DESEMBER IS YOTA MAAND

DIE DESEMBER RADIO ZS

en

SARL TEKEN MOU MET DIE RADIO-VERENIGING VAN KENIA

Bly op hoogte vir meer inligting oor hierdie en ander interessante nuusitems.

DESEMBER IS YOTA MAAND

Desember maand is aangewys as YOTA maand. Die jaarlikse inisiatief wat deur Youngsters on The Air (YOTA) geborg is, was aanvanklik gefokus op die Internasionale Amateur Radio Unie Streek 1 (Europa, die Midde-Ooste en Afrika), met jong radio-amateurs wat met roepseine met YOTA-agtervoegsels op die lug gesit het. YOTA is nou ook aktief in Streke 2 en 3. Die primêre idee is om amateur radio aan die jeug te demonstreer om hulle aan te moedig om 'n lisensie te kry en dat jonger radio amateurs aktief raak. Alle radio amateurs kan hierdie poging ondersteun deur kontak met deelnemende stasies te maak. 'n Toekenningsprogram is beskikbaar, besoek <http://events.ham-yota.com/awards>. Luister uit vir ZS9YOTA en ander YOTA-stasies.

YOTA VANAF NAMIBIË

Gister 5 Desember het YOTA in Namibië begin met 'n inleiding vir 'n groep jongmense in Swakopmund. 'n Stasie is opgerig en die jongmense het die kans gehad om via amateur radio en die V55JAM-roepsein te praat. Op Woensdag 9 Desember is V55JAM in Walvisbaai om YOTA aan jongmense in die hawedorp voor te stel. Hierdie twee groepe jongmense sal gedurende Desember aktief wees en die organiseerders sal 'n kennisgewing van die aktiwiteit uitstuur.

MOSIES EN NOMINASIES VIR DIE 2021 SARL NASIONALE KONVENSIE

Lede word uitgenooi om mosies vir bespreking by die 2021 AJV in te dien, om hul mede radio amateurs vir SARL-toekennings en trofee aan te wys en om minstens vyf radio amateurs te benoem om vir die volgende twee jaar op die

Raad te dien. Die tersaaklike dokumente is op die Liga-webwerf beskikbaar. Volg die skakel vanaf die voorblad.

Lede word ook uitgenooi om voorstelle vir Referate vir die 2021 SARL-simposium op 16 April 2021 in te dien. Stuur jou voorstelle na secretary@sarl.org.za. Die sluitingsdatum vir alle mosies en nominasies is Sondag 31 Januarie 2021.

DIE DESEMBER RADIO ZS

Die Desember 2020 uitgawe van Radio ZS in is beskikbaar vir aflaai. Christie, ZS4CGR vertel ons van sy eksperimente met weerlig en induksie terwyl Sean, KX9X vra hoe jy met jou nie-amateur bure oor die weg kom. James, ZS1XN vertel van sy 2 meter wat Yagi 'n 'thirty-eight special' genoem het en Beat, ZS1HB vertel hoe hy steuring van 'n sonkrag-installasie oorkom het. Daar is 'n aantal artikels oor magnetiese lus antennas, voetskakelaars en 'n BHF-antenna in 'n kosblik. En meer!

Jy luister na nuus uitsending van die Suid-Afrikaanse Radioliga

SARL TEKEN MOU MET DIE RADIO-VERENIGING VAN KENIA

Noel, ZR6DX het SARL Nuus meegedeel dat 'n MOU met die Radio Society of Kenia onderteken is om gebruik te maak van die tegniese deel van die Suid-Afrikaanse Radio Amateur Eksamen. RSK sal na die Regulasies-gedeelte van die eksamen omsien.

Op hierdie oomblik is daar MOU's vir Namibië, Botswana en Kenia, met eSwatini en Malawi aan die gang. Baie dankie aan Noel vir die opstel van hierdie MOU's.

KOMPETISIE NUUS

Op Saterdag 12 en Sondag 13 Desember kan jy deelneem aan die ARRL 10 m kompetisie met GG en foon aktiwiteit. Alle stasies stuur 'n sein verslag. W/VE/XE-stasies (Alaska en Hawaii ingesluit) stuur hul staat of provinsie. DX-stasies stuur 'n reeksnommer. Maritieme mobiele stasies stuur ITU-streek (1-3). Besoek <http://www.arrl.org/10-meter> vir die reëls.

Die SARL Newbie QSO Partytjie is vanaf 08:00 tot 20:00 UTC op Saterdag 19 Desember met foon aktiwiteite op 80, 40 en 20 meter op die lug. Die uitruiling en die telling word bepaal deur hoe lank jy 'n radio amateur is. Dit is die geleentheid vir die nuwe radio amateurs van 5 Desember om aan hul eerste kompetisie deel te neem. Blaai na bladsy 40 van die 2020 Blouboek vir die reëls.

DIE ALL AFRIKA DX-KOMPETISIE

Borge vir die YD en Jeug Naellope, die Top Band QSO Partytjie en die QRP kompetisies het na vore gekom. Daar is ook 'n borg vir die All Africa DX kompetisie, maar 'n geskikte datum vir hierdie kompetisie moet bepaal word. Wanneer dink jy moet die All Africa kompetisie gehou word? Stuur jou voorstel na contest@sarl.org.za.

DIE 2021 DAGBOEK VAN GEBEURE

Klubs word uitgenooi om die datums van hul klub vergaderings en ander aktiwiteite in te dien vir die 2021 Dagboek van Gebeure. Dankie aan die Wesrand ARK vir die datums van hul snuffelmarkte. Die inligting kan gestuur word na secretary@sarl.org.za

SLUIT AAN BY DIE SARL TEEN DIE HALFJAAR TARIEF

Sluit vandag aan by die SARL en betaal die halfjaar tarief. Die Raad het besluit om die halfjaar tarief in te stel vanaf Maandag 30 November 2020. Gewone lede betaal R250, senior lede betaal R150, eggenote lede betaal R90 en studente lede betaal R60. Voltooi die aanlyn-lidmaatskap aansoekvorm op www.sarl.org.za/public/membership/join.asp en doen 'n EFT in die SARL-bankrekening met jou roepsein as verwysing.

HF VOORTPLANTINGSVOORSPELLING

Nou die Dagboek van Gebeure vir die volgende paar weke:

- 11 Desember - Internasionale Berg Dag
- 12 en 13 Desember - die ARRL 10 m kompetisie
- 13 en 14 - die Geminids meteorreën
- 16 Desember - Versoeningsdag
- 19 Desember - die SARL Newbie QSO Partytjie
- 21 Desember - die somer-sonstilstand om 12:02 SAT en die konjunksie van Jupiter en Saturnus
- 21 en 22 Desember - die Ursids meteorreën
- 25 Desember - Kersdag
- 26 Desember - Gesinsdag
- 31 Desember - die einde van die YOTA-maand en die 2020 CQ DX-marathon

Om die bulletin mee af te sluit, 'n opsomming van ons hoof berig:

Desember maand is aangewys as YOTA maand. Die primêre idee is om amateur radio aan die jeug te demonstreer om hulle aan te moedig om 'n lisensie te kry en dat jonger radio amateurs aktief raak. Luister uit vir ZS9YOTA, V55JAM en ander YOTA-stasies.

Dit bring ons aan die einde van hierdie bulletin.

Die Suid-Afrikaanse Radioliga se nuus diens nooi klubs en individue uit om nuus brokkies van belang vir radio amateurs en kortgolf luisteraars in te dien. Plaas nuus berigte indien moontlik, in beide Engels en Afrikaans op die Suid-Afrikaanse Radioliga webtuiste onder die 'news inbox' skakel nie later as die Donderdag wat die bulletin datum vooraf gaan nie.

Luister elke Sondag oggend om 10:00 Sentraal Afrika Tyd na "Amateur Radio Today." Daar is herleiding op 7 082 kHz laer syband deur Louis, ZS5LP en verskeie herleidings op BHF en UHF frekwensies regoor Suid-Afrika. 'n Heruitsending aangebied deur Andy ZS6ADY vind op Maandae aande om 19:30 Sentraal Afrika Tyd op 3 620 kHz plaas. Ons ontvang graag jou sein rapporte, kommentaar en voorstelle, stuur 'n e-pos aan artoday@sarl.org.za.

Jy het geluister na 'n nuus uitsending van die Suid-Afrikaanse Radioliga, saam gestel deur Dennis Green, ZS4BS, geredigeer deur Johan de Bruyn, ZS6JHB en gelees deur

Van die nuus span, die beste wense vir die week vorentoe.